



ATASSUT

07.10.2015

Paninnguaq M. Kruse

UKA 2015/160

**Siunnersuut uunga: Utoqqalinersiaqarnej pillugu Inatsisartut inatsisaat nr. xx, xx.xx-meersoq.
(Ilaqtariinnermut, Naligiissitaanermut Isumaginninnermullu Naalakkersuisoq)**

Ilaqtariinnermut, Naligiissitaanermut Isumaginninnermullu Naalakkersuisup siunnersuutaa ima :
uagut ATASSUT-miit oqaaseqarfigissavarput, siullermeerneqarneraniillu nalilersoreerlugu
tingulluarparput.

Ilangullugu ATASSUT-miit ”Kattuffik utoqqaat nipaas” matumani oqalliseqataanerat
tingulluarparput, ullorititaminnillu nalliusseqqarmernerat puigornangu ullorsiorluarsimanissaanik
kissaallugit, sulilulloq manna tikillugu ullorsiuutigineqarnerat oqaatigerusunnarpoq.

Peqqutit makkuusunit: Ullumikkut utoqqalinersiallit atungarisaat pillugu tulluanngittutut
nalilersorneqarsinnaammat aammalu taamatut isikkoqartuaannarpoq, pissutingalugu
utoqqalinersialik akit sunaluunniit qaffalaaraangat tamatigut kalluarneqartarmata. Tamannalu
nalilersuinermit ATASSUT-miit pingaartillugit utoqqaat isertitamikkut aappaasup isertitai
apeqqutaatinneqartarmata, ullumikkut uanili siunnersuummi aappaasup isertitai
apeqqutaajunnaassapput. Taamatut aaqqiisoqarnerani utoqqarmut inooqateqartumut kimulluunniit
tamanna toqqissiallannassaaq inuuniarnermikkut.

Kisimiittulli aamma periarfissinneqarput aningaasat immikkut agguarneqaraluartut angissuttit,
kisianni tassani isinginiarparput killiliussat periarfissiipput, saniatigut sulerusukkunik tamanna
kiffaanngissuseqarluni periarfissaq atorsinnaangaat.

Timikkulli aammalu peqqissuttimingut nalilersorneqareernerata kingorna immikkoortunut
pingasunut agguarneqarsimasunut inissinneqarsimaninni aallaavingalugu inuussutissaqarnera
inissinneqassaaq imaappoq ullut ingerlaarfiusuni, nalilersorneqarsimanera aallaavingalugu
inuussutissaqartassaaq, aningaasarliortutulli inissittoqassatillugu aningaasanillu
ajornavissoortoqassatillugu aamma tamanna sillimaffingineqassasoq malunginiarparput.



Soorunalimi utoqqaat peqqinnartumik inuuneqarnissaat anguniarlugu tassani aqqissuusseqqinnermi periarfissinneqarnerat pitsaasuvoq. Pissutingalugu kiffaangissusilerneqarput periarfissamik inuunerisaminnik nalinginnaasumik nangitteqqinnissaminnik ukiulli nikinneri ukioq ataatsimik ilaneqarpoq 66-nik ukioqalernermi utoqqalinersiaqartalernissaq. Tamanna amerlasuutigut namminerminut erininarsinnaangaluaq, aamma uani peqqissusaat isinginiarneqarluni sulilu atorfissaqartinneqarluni Naalakkersuisunit siunnersuutigineqarnerat ATASSUT-miit tamanna periarfissiissut inuk nunami suleqataasoq akisussaaqataasoq sulil atorfissaqartinneqarneranik piumasaqarneq tamanna kusanartuuvoq utoqqarmut ataqqinaataavoq sulil atorfissaqartinneqartumit nalunaarfingineqarneq. Taamatut iliuuseqarniarnissaq ukiuni tullernut kinguartitserneqaannassappat utoqqalinersisartussat annikinnerusumik pisartangaqartariaqalissammata. Imaappoq soorlu assersuutigalugu: 100 kr-ni ullumikkut inunnut qulinut agguaruttigu tamarmik 10 kr-nimik pissapput. Kisiannili atuuttiinnassanguttigu tamanna ingerlaaseq 100 kr-ni sulil amerlanernut agguaqqinniarutsigu inunnut 20-vinut taamaalilluni immiini oqaluttuarpoq inuk ataaseq 5 kr-nimik pisassaaq. Tamannali peqqinnartuunngilaq annikillissappata.

Assersuutigiinnavillugu. Taamaattumik utoqqalinersiallit isumannaatsumik atungassaqartinneqarnissaat inuussutissatigut tamanna qulakkeerinnittuuvoq. Siuligit qiviarutsigit inooriaaserput sakkortusimavoq utoqqaat nerisarloqutitut ilaatigut nalilerneqartarnermikkut killiliussaminnut uniinnartarput, uanili ataqqinninnerput utoqqalinersiaqangajalertunik siunnersuuteqarneq kusanartuuvoq, aap ukiut tamatigut ineriartorfiupput utoqqaat ukiuni kingullerni annertuumik ataqqinninnerit aammalu atungassarititatigut isiginialerneqariartornerat tamanna nuannaarutissaavoq. Oqarsinnaanngilangummi suliffissaqartinnangillu sulisinniarsarisinnaanngilagut, Kisianni tassa suliffeqareertut periarfissinneqarput aammalu assaat pikkoriffiusut aallaavingalugit periarfissinneqarnerat kusanartuuvoq. Nunarput kisimiinngilluinnarpoq taamatut ineriartorfiulluni, taamaattumik nunarsuarmioqataanitta aqqani utoqqaat utoqqalinersiallit ukiorititaasut qaffalaarnissaat pissusissamisoorpoq peqqissuserput kusanarluinnartoq aallaavingalugu.

Utoqqarnit ilaannit annerineqartutut tusartarparput amerliartornerat, kisianni tamanna ilumoortuuvoq taamaattumik amerliartorneri ilutingalugit uagut pingaartipparput nunap ineriartornerani sulil atorfissaqartoq, pinngitsaaliinertut nalilernangu imai ersarittingivoq



ATASSUT INATSIARTUNI

piumasariinnarneqarpoq suliuna nunatta pisariaqartikkaat. Pisariaqartinneqarsimanngikkaluarunik taamatut periarfissamik ujartuisoqarsimassanngikkaluarpoq. Utoqqaat ullumikkut peqqissut amerlapput tamanna qujanartuuvoq 70-sikkunni 50-it sinnilaanginnarlugit utoqqarsuannngortarput ullumikkulli 50-nik ukiullit aammalu 60-leereernikkut ilaatigut suli pisinnaasurujuttut isikkoqarput tamanna annertuumik nuannaarutissaavoq. Taamaattumik peqqinneruleriartornerput aallaavingalugu inersimasutulli periarfissineqarnerat nuannersuuvoq. Soorunalimi timip pisinnaasai aallaavingalugit tamanna aaqqissungaavoq.

Ullumikkut ilanngullugu ikiorteqarnek assigiinngitsutigut Kommune-ip iluani aaqqissungaasumik ikiortinut aningaasartuuteqartarput. Massakkulli ilanngullugu periarfissiissutaavoq utoqqaat angerlarsimaffimminiinginnarnissaminnik inissisimaannarsinnaallutik ikortilersorneqarnek aningaasartuutitaqanngitsoq atuutilersinneqassalluni.

Tapit annikittumik nikipput tassanilu nikinnerani takusinnaasattigut periarfissaqarput saniatigut pitsaanerusemik isertitaqarsinnaallutik aammalu sulilaarsinnaasut periarfissinneqarlutik.

Aningaasatigut mattussorneqarsimaneranik killilimmik tikkuangassartaqanngilaq pissutingalu tamatigut periarfissartaqarpoq nammineq isertitaqarnissamik.

Saniatigut isertitat aallaavingalugit utoqqalinersianik apparsaasarneq ullumikkut sukanganeruseq annikillisinneqassaaq, taamaaliornikkut utoqqalinissamut sipaarsinnaaneq imaluunniit utoqqalinersiat saniatigut suliffeqarsinnaaneq pilerinarsarneqassalluni tamakkua isiginiartariaqarpagut, uani siunnersuummi aamma pitsaasumik periarfissaqalersinneqarsimanerat atuuttinneqalissammat.

Ullumikkut timikkut innarlarsimanerannut aammalu utoqqalinersialik sulinissamut naleqqutinngittoq tamakkua aamma pinngitsaalineqarlutik sulisussaatitaannginnerat annertuumik illersorneqarnerat nuannersuuvoq toqqissisimanarlunilu pingaartumik utoqqarnut ullumikkut sineriatsinni inissisimasut ilaat tamanna qularutinginngilarput aamma ernummatigissangaat.

Kisianni tassa taamatut inissisimasut pingitsaalineqarlutik piumasaqarfingineqarnissaanik una siunnersuut aallaaveqanngilaq. Ataqqineqarluninartumik naleqartinneqarlutik periarfissinneqarput timi inissisimanerat aallaavingalugu aammalu sulerusuttut sulisinnaasullu pitsaanerusemik periarfissinneqarlutik.



ATASSUT INATSISARTUNI

Uani siunnersuutaasumi utoqqalinersiaqartunik atungassarititaasunik, pitsaasumik agguusarneq kalaallit ilequtoqaannut naapertuulluarpoq, tamarmik assigiimmik pisassaqaartinneqarlernerat kusanartuuvoq, Utoqqaat ataqqinartut atungassaqaalersinneqarnerat kiffaangissuseqarnerallu qulakkeerneqassaaq naqissuserneqassallunilu. Aappariit imminnut pituttorsimanerat qimanneqassammat. Toqqammaviummik utoqqalinersiat aapparisap isertitaanut pituttoqqanngitsumik inissinneqassammata.

ATASSUT-miit tusarniaanermi ilaatigut ernumassutigineqartut ataatsimiisitaliami susassaqaartumi sukumiisumik eqqartorneqarnissaat pisariaqartutut isigaarput, tamannalu tunngavingalugu ataatsimiisitaliamut susassaqaartumut aappassaaneerneqannginnerani innersuussutigissuarput. Qujanaq !